



JABATAN PERKHIDMATAN VETERINAR

LAPORAN PEMANTAUAN MEDIA

4 APRIL 2024 (KHAMIS)

500 Ekor Ayam Habis dijual Kurang Satu Jam

| MEDIA | RUANGAN | MUKA SURAT | TARIKH |
|-----------------|--------------|------------|---------|
| Utusan Malaysia | Dalam Negeri | 33 | 4 April |



PENGUNJUNG mengambil kesempatan membeli ayam yang dijual murah pada program Agro Madani @ Peladang Outlet di Kuala Terengganu, semalam. - UTUSAN/KAMALIZA KAMARUDDIN

500 ekor ayam habis dijual kurang satu jam

KUALA TERENGGANU: Lebih 500 ekor ayam segar yang dijual dengan harga RM7.60 sekilogram, habis dijual dalam tempoh kurang satu jam pada program Agro Madani @ Peladang Outlet Aidilfitri 2024 di sini, semalam.

Pengarah Lembaga Pertubuhan Peladang (LPP) Terengganu, Hasmila Abas berkata, program yang berlangsung di pekarangan Masjid Jamek Pengadang Baru di sini mula diserbu pengunjung seawal pukul 7 pagi.

Menurutnya, bahan mentah lain yang turut dijual kepada orang ramai ialah 10 tan beras dan 1.2 tan daging lembu segar.

"Alhamdulillah, beras 10kg sekampit dijual dengan harga RM26 manakala sebanyak 400kg daging dijual pada harga RM27 untuk 400 pembeli pertama.

"Sambutan yang diterima sangat menggalakkan dan LPP Terengganu berharap program ini dapat meringankan beban orang ramai dalam membuat

persiapan menyambut Aidilfitri," katanya ketika ditemui selepas melawat tapak gerai usahawan pada program tersebut semalam.

Sepanjang April, LPP Terengganu merancang mengadakan 14 program jualan seumpama itu di semua lapan daerah untuk memastikan lebih ramai penduduk dapat memberi barangan keperluan dengan harga murah.

Hasmila berkata, pihaknya menasarkankan 5,000 pengunjung hadir ke setiap program Agro Madani @ Peladang Outlet dengan penyertaan lebih 30 usahawan tempatan.

"Selain itu, sasaran kita hasil jualan pula ialah RM100,000 pada setiap program dan memberi manfaat kepada kedua-dua pihak iaitu penjual dan pembeli secara langsung.

"Semua produk yang dijual lebih murah antara 30 hingga 40 peratus berbanding harga pasaran semasa," katanya.

Beliau berkata, satu lagi program seumpama itu akan dilaksanakan pada 8 April ini.

| MEDIA | RUANGAN | MUKA SURAT | TARIKH |
|--------------|---------|------------|---------|
| Sinar Harian | Negeri | 27 | 4 April |

Jamal Abdillah jual daging lembu harga rahmah

Sahut seruan kerajaan selain perkenalkan perusahaan lembu syarikat miliknya

IPOH



Menyahut inisiatif Payung Rahmah, penyanyi Datuk Jamal Abdillah akan menjual hasil perusahaannya ternakan lembunya pada Jualan Rahmah Jamal Abdillah Farm, selama dua hari bermula Ahad ini.

Pemilik nama sebenar Jamal Ubaidillah Mohd Ali, 64, itu berkata, sebanyak 12 ekor lembu akan disediakan dan akan menambah bilangan lembu sekiranya tidak mencukupi.

"Di samping bersedekah dan juga menyahut seruan kerajaan untuk inisiatif Payung Rahmah, saya juga ingin memperkenalkan dan melancarkan syarikat Jamal Abdillah Farm untuk orang ramai tahu saya ada perusahaan lembu," katanya ketika dihubungi pada Rabu.

Pelantun lagu Kekasih Awal dan Akhir itu berkata, beliau merancang untuk membesarkan lagi ladang ternakan lembunya di Bukit Meran, Kerian pada

masa hadapan.

"Selepas ini, rancangan saya untuk membesarkan lagi ladang saya ini, sekurang-kurangnya dapat menampung pasaran atau untuk keterjaminan makanan agar tidak ada isu kekurangan makanan," katanya.

Jualan Rahmah Jamal Abdillah Farm dengan usaha sama Perbadanan Pembangunan Pertanian Negeri Perak (Perak SADC) bakal berlangsung pada 7 dan 8 April ini bermula 9 pagi di Dataran Majlis Bandaraya Ipoh (MBI) di sini yang menawarkan harga daging lembu di bawah harga pasaran.

Daging pejal tempatan dijual pada harga RM32 sekilogram (kg), manakala daging batang pinang (RM39/kg), tulang (RM26/kg), tulang rusuk (RM32/kg), organ (RM16/kg), kepala lembu (RM60/unit) dan gear box (RM110/unit).

Sebelum ini, Jamal yang pernah bergelar pelakon itu mula berjinak-jinak dalam bidang ternakan lembu secara komersial sejak Mei tahun lepas di samping

FOTO: BERNAMA



Jamal memberi makanan kepada ternakan lembu di ladangnya di Bukit Merah, Kerian.

beliau berpijan mahu mempromosi bidang pertanian agar lebih ramai bumiputera terlibat dalam bidang itu.

Ladang ternakan lembunya seluas hampir dua hektar terletak di Bukit Merah rancangannya. - Bernama

TERIMA KASIH

DISEDIAKAN OLEH:

UNIT KOMUNIKASI KORPORAT
JABATAN PERKHIDMATAN VETERINAR